

# Asisko Gutunaz, bakarka nahiz taldean lan egiteko iradokizunak

## Asisko gutuna

2010eko ekaina. 4. printzipioa. Bidea elkarrekin egin

anaitasunez bizi

20. zenbakia

Gizakiaren alde jokatzek suposatzen du, horrekin batera ingurunearekin konprometitzea, honek ematen baitio pertsonari izateko eta garatzeko ahalbidea. Lehen munduko nazioen bizimoduak irtenbiderik gabeko kalera daramate planeta. Hala ere, nazio guztiek orokorrean duten erantzukizuna exijitzeari utzi gabe, beharrezko dugu geure buruari serioski planteatzea, zein den geure eguneroko bizitzan gai honi egin diezaiokegun ekarpena, ekarpen errealista baina eraginkorra.

### Ludi mailako senidetasuna

Baduzu, planetak gaur jasaten duen hondamenari buruzko informaziorik? Eta berori gutxitzeko martxan jarri nahi diren inizatiba ezberdinei buruzkorik?

Une honetan zure arduren artean dago lurra onik zaintzea? Ze oihartzun sortzen du zuregan honako esaldi honek: “sorkari guztiak iturri beretik datoz, eta horregatik guztiak dira osatzen dugun familia handiko kide” ?

Kontzientzia eta ezaupiderik gabe ezin da aurrera egin eta, hori dela-eta, ezta konpromisorik hartu ere.

### “Eta egin zuen guztia oso ona zela ikusi zuen Jainkoak”

Testu honek, errealitatearen aurrean sinestunak sentitzen duen harridurari erantzuten dio, errealitate horren azpian Jainkoa sumatzeari iskin egin ezin diolarik. Ez dago esan beharrik, ez gaudela testu zientifiko baten aurrean.

Har ezazu denbora txango bat naturan zehar egiteko, utz ezazu hark blai zaitzan, buruari lanik eman gabe. Sortzen zaizu harridurazko, miresmenezko, eskerronezko ... sentimendurik? Utz itzazu bere horretan, mintza daitezela libreki.

Agian sentimendu horietatik askoz errazagoa da gertatzen ari denaz konturatzea, eta sor daiteke barne mugimendua, dugun auzian bakoitzak une honetan ze ekarpen egin dezakeen erabakitzeke.

### Begirada-aldaketa

Gai honetan nola gabiltzan geure buruari galde egiteko noizik behin une bat hartzen ez badugu, pentsa dezakegu egiten dugula jada errealista izanez egin dezakegun guztia. Baina benetan horrela da? Konturatzen zara problematikaren azpian, praktikan, geure bizitzeko era eta geure kontsumo-hautapen zehatzak daudela?

Ezin da pertsona izan, hazi eta garatu natur ingurunerik gabe. Izaki premiadunak eta elkarrekiko harremanen beharrea gaudenak gara erabat. Hau kontuan hartzeak laguntzen dizu, naturaren aurrean beste jarrera bat hartzen?

Sorkarien Kantika, Frantzisko bizitzaren azken aldean zelarik eta gaixotasun larriek jota zegoenean izan zen idatzia; bertan argia eta bizia adierazten ditu, ilunpearen eta bere bizitzako oinazearen erdian sumatzen duen argia eta bizia. Esperientzia horrek argitzen du zertxobait zeure bizitza?“

### Goretsia zu, ene Jauna, zeure sorkari guztiekin”

Jasaten ari den sufrimenduen erdian, gainezka egiten dio bihotzak Frantziskori, eta Jainkoa goستن du harturiko bizitzagatik eta berorren parte den orengatik. Hartutakoa beti askoz gehiago da!

Geldi zaitetz eta kontenpla ezazu inguruan duzuna, eta utzi gorespenari zeure bihotz eskertutik sortzen: gurerik ez dago ezer, dena hartutako dohain dugu.

Esker on horretatik sortzen zaizu, oparitan eman zaizuna zaintzeko konpromisorik?

Zein pauso zehatz eman ditzakezu zeure eguneroko bizitzan, ingurunearen zaintzan eta defentsan lankide izateko?